



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXX. Die Ivlii.

urn:nbn:de:hbz:466:1-9625

qui eum caelestibus etiam visis recreatum, Christi potissimum quem sanguinum sponsum vocat, & saepe in libello ponit haec tria *Iesus Maria sanguis.*

87.

XXX. DIE IULII.

P. AVGVSTINVS

P. PETRVS

DE VILLAZA.

HALLOIX.

Hispanus
1634 die in-
certo, in
vrbe S. Ia-
cobi Prou-
Chilens.

Magnâ animarum Deo quæren-
darum cupiditate peritiâ, ma-
gnâ virtutis existimatione cele-
bratus P. Augustinus præclaram de se,
etiam post mortem, apud omnes opi-
nionem rem reliquit. Quâ incitatus
Hispanus miles, cum se à barbaris
saucium, & humi iacentem sine vlla
spe leuamenti videret, mortemque
opperiretur (quippe breui conculcan-
dus ab exercitu barbaro illac vbi ille
iacebat transiuro) P. Augustini licet
vitâ tunc iam functi, opem apud Deum
imploravit, & P. Augustinum illic
sibi adesse, ac se ab illo pallio contra
barbaros regi sibi videre visus est, do-
nec dilapsis barbaris, ipse quoque vi-
deri desit à milite vulnerato, & illius
opæ contra hostes, mortemque prote-
cto. Quin & victoriam de barbaris
tunc relâtam illi piâ quadam de illo
existimatione, adscripsere Christiani
victores. Hic est ille Augustinus quæ
in Cuncorum Prouincia ad aras diui-
nis operantem aggressi barbari, effuso
Christi sanguine, calicem ad combi-
bendum adhibuere. Compactus in
vincula P. Augustinus, disertè præ-
dixit, illos tanti sacrilegij pœnas da-
tuos propediem, id quod euenit. Nam
breui adfuit Ignatius della Carrera
Chilensium Insularum Dux, & per-
emptis barbaris qui sacrilegio illi in-
terfuerant ferè trecentis, tum calicem,
tum P. Augustinum illis eripuit.

A. MARIO.

SACRAM.

Hunc virum eximiè commendat
insignis eruditio, nec minor in
orando ac se ipso seuerius afflicto
assiduitas. De illo sic in annis Gal-
lo belgicæ: Natiua in illo elucebat
imago prisca simplicitatis. Totis pri-
mis decem in Societate annis aspe-
rum à carne cilicium vix amonit, do-
nec illud superioris iussu cum cinctu
cilicino commutauit, quod tantâ de-
inceps constantiâ per annos aliquot
gestauit vt sub inde per annum totum
illud nunquam deponeret. Iussu P. O-
liuerij Manaræi coactus & illud de-
ponere, ob valetudinem, eius loco sub
mediam noctem, ad orandum & se
flagellis diuerberandum surgebat
semper vsque ad 70. annum ætatis
nam tunc attrita vires illum ad alias
mitiores se afflicti exercitationes
inuitauere. Humi ferè tantum, nec
nisi 5. vel 4. horas dabat somno 11. ad
pretium temporis redimendum 2. ad
excutiendum torporem, acendum-
que vigilanter ingenium somno hebes
3. quia vigilare quædam caelestium
spirituum in carne, imò ipsius Dei
imitatio est. Nihil inchoabat incon-
sulto Deo: nec studere prius incipie-
bat quàm *veni creator spiritus etc.* pro-
nunciasset id quod aliis etiam suade-
bat: aliàs studia bonum aiebat exi-
tum non sortiri, nisi à Deo inchoata
ad Deum referantur.

10. Iulij Bel-
ga Leodij,
1616. ætat.
70.

Martijis.

No. 11.

Studia.

MAR.

M A R C V S

L A I N E Z.

Hispanus
Romæ 30.
Julio 1541.

Formâ corporis, ac indole animi dignus Iacobo Laynez fratre germanus. Audierat ille Iacobum novum Clericorû ordinem iniuisse; ac animi anxius, ne quam in hæresim se impli-

caret, per tres ipsos annos symbolum Apostolorum pro illo in sacro quotidie recitabat. Romæ per *Exercitia* Societati se addixit, cumque in Nocomio seruiret ardentius, febre correptus Julio mense mortem oppetiit. A funere, inquit Ribadeneira, statim P. Laynio simulacrum illius oblatum, iubet parentes de salute suâ securos consoletur; secum enim agi præclare.

Fides.

Charitas.

Mors.

X X X I. D I E I V L I I.

S. P. I G N A T I V S
D E L O Y L A

SOCIET. IESV FVNDATOR.

Hispanus
obit Romæ
31. Julij
1556. ætat.
61. Societa-
tis confir-
mata 15.

De hoc, tanquam Societatis pro- ductore, bonâ Lectoris veniâ, plura dicam quàm pro more meo. Illustris Loyolarum Domus apud Cantabros in Hispania Oñaziana stirpi à suis originibus illigata, loco vetustioris reseræ nobilitatis (quâ olim claritudinis & opulentæ suæ testem habuerat) ob victoriam Beribensem anno 1221. reportatam, pro insignibus *balsheum in aureo campo* à Rege accepit. Hac Domo, anno 1491. natus è Beltramo de Oñaz & Loyola, ac Marina Sæz de Lizana inter octo filios postremus *Ignatius*, fratrem habuit Martinum aliis superstitem, cuius postea neptis Laurentia, Ioanni, Beati Francisci Borgiæ filio, nupsit.

Ignatius Adolescens in aula Ferdinandi Regis Catholici inter primores educatus, deinde anno 1521. 20. Maij cum Pampelonam defenderet, in crure, murali pilâ, seu globo, vulneratus, & 28. Iunij à vulnere ad extrema deductus; eadem nocte à S. Petro Apostolo (quem aliquando ingeniosè hi-

spano carmine celebrârat) visitatus ac periculo mortis exemptus, cum decumberet, lectis, ac eleganter in commentariolum relatis Christi, Deiparæ atque Sanctorum vitis, conuersus est. Inde Christo se per diuinam eius matrem dedicauit, contremiscente conclavi: quod aliàs quoque contremuit non semel postea, quando quidam in illo hospites nescio quid designabant sacro illo loco indignum. Ibidem noctu peruigil, atque orans, non sine longiore atque amabili morâ vidit aspectabilem sibi cum infante in sinu puero Iesv Dei matrem, quæ illi omnes puritati aduersas imagines è mente planè absterfit; imperrito simul dono mirabili castitatis in se aliisque tuenda, vt in loco dicam. Peregrinabundus deinde Ignatius, per iter se flagris cædebat quotidie; quoad vsque in Aranzuzano Deiparæ Sanctuario peruigilatione noctis vnus peractâ, ad Parthenium Serrati montem concessit, vbi arma sua (totâ Dei Matris ab Angelo salutata nocte peruigil) pro eiusdem tholo appendit, anathema & symbolum dedicationis cordis illi iam ex asse transcripti, animo per vitæ totius exomologesim accuratissimam perpurgato. Aiunt, terræ Ignatij genibus tunc istic pressæ pulueres

B. V.

Castitas.

Peregrinatio.
Mortificatio.
B. V.

Dedicatio
sui.

HH

87.

10. Julij Bel-
ga Leodij.
1656. ætat.
70.

Mortific.

No. 11.

Insignia.

Studia.

10. Maij

28. Iunij.
S. Petrus.